

T 9117/4344 (15)

小倉山房詩集

五

小倉山房詩集卷十六

庚辰辛巳

錢唐袁枚子才



瞻園十咏爲託師健方伯作

石坡

平泉三品石堆作一家春不假嗟峨勢真如蘊藉人峯
低安放穩路曲往來頻想見公餘暇臨風倚角巾

梅花塢

環植寒梅處橫斜畫閣東一輪明月照滿樹白雲空春
到孤亭上香聞大雪中要他花掩映新製石屏風

平臺

老眼三朝潤平臺四角方因山分趾下望遠入蒼茫得

小倉山房 卷十一
盡青天月鋪勻碧瓦霜謝公詩興發獨坐咏清商

抱石軒

一軒當石起緊抱丈人峯花月分窗入烟蘿合戶封坐
隣紅日瘦行覺綠陰濃鳥問幽棲客人間隔幾重

老樹齋 從前樹為屋掩公拓出之得舊礎果其地也

老樹得春先亭簷遮幾年數椽移向後萬綠盡當天葉
密雨聲聚枝高日脚懸新基 卽舊礎暗合古賢緣

北樓

北斗挂高樓江山一望收白雲簷外宿清露檻前流遠
樹深藏寺風窗易得秋飛花雜松子終日打簾鉤

翼然亭

山頂翼然亭登臨見杳冥炊烟離瓦白高樹出墻青海
鏡明初日江燈落遠星臺城千萬雉拱列似圍屏

釣臺

春波二月平垂釣足幽情古石連雲瘦踈花映竹清萍
開鱗有影絲細水無聲久坐不歸去溪頭月正明

板橋

渺渺烟波處亭亭見板橋橫陳如待渡小卧欲當潮屐
齒苔痕滑春晴水影消杖藜扶我過隔岸有花招

梯生亭 有古樹枯而復生

黍谷陽和轉枯楊竟長孳春風如隔世去鳥復來棲樹
解輪回 公自說 亭留瑞事題知公多雨露溝壑起丞

黎

竹深處

嫋嫋碧琅玕，虛窗八面看。
搖風青欲滴，聽雨畫生寒。
綠鳳迷春影，飛塵掃畫闌。
恐教司竹監，難數幾多竿。

寄盧雅雨觀察

淮南聞說泛流霞，七十神仙鬢未華。
千里風人齊進酒，二分明月正當花。
紅橋燈影宵移艇，白雪春聲晝放衙。
擬指平山向公祝，萬枝松當海籌加。

一江秋水隔瓊卮，遠望卿雲有所思。
末座每將名士待，陳書深以古人期。
松筠性在留春久，猿鶴身閒上壽遲。
寄語旗亭女郎口，紅牙添唱卷中詩。

時前旗亭新譜

上元前一夕訪岳水軒不值

新年訪故人，故人飲酒去。
回車戀月明，升堂且小住。
蒼頭擎明燈，春盤供寒具。
公然主人翁，三枝小瓊樹。
聲聽雛鳳清，語協查梨趣。
坐久樹無烟，歸遲草有露。
仍踏野田還，梅花白前路。

題武午橋相馬圖

天生良馬無人相，牛羊日坐麒麟上。
午橋司馬氣不平，自取銀河洗眼障。
南遊滄海西蓬萊，朝朝高坐看龍媒。
不將金馬門前式，割取驪黃以外才。
至今蕭蕭霜滿鬢，猶把丹青圖八駿。
曾看天廐有龍無，搖手風前怕人問。
我知此意常自憐，相牛相彘終天年。

題塞上吟贈李觀察

絳節巡宣久著名三年遠作玉關行身歸萬里無風色
家住中州有正聲江上春帆桃葉軟天山歌板竹枝清
如公合畫凌烟閣蘇武臺前月最明

贈徐梅麓觀察

有序

已未冬枚 恩假歸娶觀察轉運揚州招陪前
輩汪燮撰應銓葉編修長揚唐庶常建中雪夜
小集今二十二年賓主重逢皓然白首同席諸
公杳無存者感贈一律情見乎辭

當年花燭撤金蓮曾過揚州醉綺筵明月二分歌舞地
酒人一隊玉堂仙宮袍舊影燈邊雪宦海流光水上烟
今日相逢倍惆悵後生前輩各華顛

潘字精明府見和陶吳壁上詩書扇相貽兼餉茶
蕻

黃梅風少雨氣濃故人贈扇如贈風扇面泥金書小楷
使我開讀心忡忡賤子當年宰江邑鄉巡野宿陶吳東
對佛張燈書古壁登樓高咏驚秋蟲十五六年爪痕在
鴻飛久矣忘行踪一朝安仁騎馬過仰壁大笑遇此公
依章次韻和成律遣人遠致深山中山翁得詩驚且喜
滄桑萬感來填胸恍若奉陪行野寺前生斷夢重相逢
無官追想在官日四旬非復三旬容不覺三嘆我年老
豈徒再拜君詩工君知讀罷定消渴更惠茶蕻青絲籠

笑煮新泉試七碗搖扇坐聽清涼鐘

呼龍耕烟圖爲錢相人觀察題

沙飛海老烟蒼蒼一莊荒到仙人鄉
癡龍耕倦眠不醒有人呼叱烟中忙
落花壓肩鋤在手碧虛金骨香桃瘦
自稱天上勸農官封章屢向雲門奏
斬罷長鯨海上行風激水瑟共相迎
已騎白鳳頰天語更捉青龍喚小名
瞳神一點秋波朗珊瑚挂盡水絲網
兩度璇宮斷夜絃龍堂淚滴真珠響
於今玉女導花驄檢校仙租碧海東
好開生地栽瑤草莫把神倉缺正供
公權揚州刺史稅一妾同行管寧
皂帽空山裏號作龍頭嬾無比
高躡羊館一千年任汝狂呼終不起

揚州紅橋與門生劉牧臯進士兩舟相值次日牧

臯以紅橋畫冊屬題時將需次京師

偶移雙艇過紅橋隔水通家抗手招
小別七年人面改相逢十月雪花飄
羣仙雅會留詩冊一客將行赴早朝
他日平山堂下酒師生舊事更魂消

劍

玉匣甘藏七尺身九秋不復試霜痕
夜深尚作嗚嗚泣爲有平生未報恩

初寒二首

久踈秋水愛斜陽九月初寒漏漸長
夜坐不嫌人近燭牕開忽見瓦留霜
身依燕玉堪娛老心怯吳綿可在箱

我是家居眠未穩天涯爭奈客思鄉
騷人丰骨久伶俜呵手彈琴且暫停
秋氣中年雙鬢覺
江聲孤館一燈聽錦衾敵雨新無力
玉酒回春舊有靈
收拾蘆簾同紙閣負他風月在空庭

夜立階下

半明半昧星三點兩點雨梧桐
知秋來葉葉自相語

答鎮江觀察錢璵沙先生見贈

江頭舊雨作監司江上閒雲慰夢思
一代交情車笠在
廿年離緒鬢霜知家焚諫草終存史
身是傳人更有詩
多感瑤華重疊贈彈琴想爲遇鍾期

雲龍踪跡本前緣彈指韶光最惘然
泮水記憐袁淑小

枚年十二與觀察同入學瓊林曾讓祖生先
雞壇白酒看花日燕市

紅燈掃雪天此際思量非隔世
回頭已是過輕烟

客秋玉尺此衡文隔歲傳呼耳
又聞作宦有緣偏近我

渡江無主正逢君南衙夜宴鄉音合
東海潮聲鼓角分

恰嘆俸錢最多日孟光福總讓朝雲
公兩悼一姬侍

階前蘭玉有清容小謝風華更不同
秋水半篷來隱者

金焦兩點屬明公青山影落雙旌上
白髮痕深一笛中

從此暮雲春樹裏吟箋容易託江鴻

與觀察兩公子遊焦山作

平生五嶽曾坐嘯惟有焦山慚未到
故人江口作監司
一舟送我窮其妙遠望穹龜卧貼水
近看龍樹深藏廟

老僧長眉叉手迎竹杖一枝作前導道山高七十六丈
遊人足力難深造我時氣勇逸興發與兩公子頭屢掉
初行磴棧猶繭繭繼引藤蘿頗稍稍風窗紙漾江光白
鐵塔尖翻海影倒掃雲亂踏落葉驚攀巢直上烏鳶噪
最後孤亭蹲絕頂人天萬象供凌暴鬱弧思與天公博
升木何須野猿教潮聲出海雲氣濕日脚下水魚龍跳
自知吹墜不到地飄飄應發溺人笑久坐終懷杞國憂
瘦蛟舞入僧家竈時修琳宮迎六龍倂般奔忙藻兼鬧
三時未畢靈臺功六繫初開混沌竅石上磨崖字萬萬
文詞剝蝕堪憑弔焦先姓與此山傳卧穴無人空虎豹
周鼎摩挲偽可疑鵠銘黠竄心空悼夕陽西下不忍歸
題名故把松枝拗從山腹登從背下如蟻走磨經堂奧
指小焦山示公子可似從遊兩年少慮人問我遊樂乎
預作詩章滿城報

薛一瓢鑄銅杖字曰銅婢屬予爲歌

金銅仙人辭漢主嫁與先生作婢女先生新娶銅山歸
兩足軒軒能健舉婢子清瘦鑠有神不言不笑能扶人
晝則隨行夜侍側但見金夫不有身旣不須霍光窮袴
加護惜又不慮袁紹妬妻加髡剔只恐葛陂遇水化爲
龍轉使老人愁孤立我聞北朝元魏立正宮先取黃金
鑄后容又聞蜀賓範國寶亦將妃面摩青銅先生倣古
作銅杖特教婢學夫人相借力橫行花月天平拖不畏

江湖浪一時名士盡有歌祝君偕老專房多我獨譎語
君應笑頗聞銅臭喚奈何

野寺

兩三間屋一溪水庵久無僧佛墮几香灰滿地旋作風
松鼠銜旛亂搖尾我來誤踏野葛花驚飛蛺蝶成團起
聽胡太史說某將軍故事

野史亭邊落日低三朝者舊草萋萋忽將雙耳長江洗
來聽高袿說李齊

虎邱同錢景凱泛酒船

五年不到闔閭城簫鼓新添水面耳為待虎邱山月上
四更猶放酒船行

榜人中有踏搖娘曾侍吾家臨汝郎一種聲清銀字管

可憐吹散桂枝香謂春闈與桂娘

霜燈悄悄夜歸遲折得夫容有所思同是人間一池水
橫塘從古泛西施

喜文玉至

扁舟迎得柳枝娘銀燭當筵照醜粧仙雨着衣成酒氣
美人私語作蘭香尊前吳髮憐與短席上秦聲愛汝長
喜字自書三十六剪箋擬學鬱林王

再贈文玉

霜林紅葉好陽春邂逅橫塘賦洛神久已盧家傳少婦
况兼蘇小是鄉親玉為盧氏出嬌鶯喘細將沉漏軟雪

魂消乍抱身遮莫摩登花未散又分惆悵與詩人

過繡谷園弔主人蔣升枚

十年前叩草堂靈曾共瓊枝坐此廳叔寶風神臨水照
阿戎才語隔花聽紅蘭春早香先盡繡谷秋深客再經
索取茂陵遺稿讀霜燈涼月淚熒熒

書樓尚在蕭郎遠師曠重來子晉仙小閣塵凝常坐榻
青箱魚蠹舊吟箋虛叨席上稱前輩偏向人間哭少年
似此曇花眼邊過老夫爭忍不華顛

秋夜訪涂長卿不值見其二子

中散園林夜色深阮公着屐來相尋月華照樹烏鵲笑
十八年前人又到主人不在兩郎迎兩郎當年都未生
出門大笑問兩郎當年何處作迷藏

一卷

一卷書開引睡遲洞房屢問夜何其高堂憐惜小妻惱
垂老還如上學時

夜坐

飄飄風雪夜缸凝肅肅蕭蕭齋硯有冰落筆動爲千古計
知心惟有一盞燈衰翁獨坐寒梅伴空谷高歌凍雀應
不是子雲甘寂寞人間誰是得霜鷹

除夕望山尚書賜荷囊胡餅鹿肉戲謝四絕句

風景蕭蕭歲又更梅花門外馬蹄聲師恩更比春光早
捧得金盤落照明

謝元雅愛羅囊佩束皙高吟胡餅歌不賜羔羊賜麋鹿
憐儂一片野心多

屠蘇未進先生饌椒酒先頒弟子行好似歲終飛瑞雪
定飄幾點到荒莊

尚書得韵便傳箋倚馬才高不讓先今日教公輸一着
新詩和到是明年

答香亭并序

揚州遇香亭聯袂數日送往彭城余亦東下姑
蘇畢臘始返香亭書來道有山左之行兼問尋

春芳訊寄詩奉曉

萍水揚州遇阿連已逢重別倍凄然絕無骨肉吾將老

怕有分離汝最賢荆樹心孤花合並雁行力薄影仍偏

東關極目征車遠腸斷隋隄欲雪天

胡威相約赴山東難免劉安唱惱公好夫胡書舉招香亭往山東舊主人

劉太守不悅身重親朋爭側席路遙兄弟更飄蓬蕭齋侍疾

情難忘江館評花榻暫同知否夢回姜被冷旅人幽咽

一燈紅弟別後予始有異鄉之感終夕不寐

輕帆悔向闔閩城不載春歸負此行楚客風懷非昔日
吳宮花草竟虛名思量種玉田須好鄭重珍珠斛敢輕
就使書香少人續孔明終望伯松生

春晴

今歲天公太有情一冬無雪又春晴紅梅但覺飛香久

綠草何曾借雨生雙燕翅如迎曉日百花心更望清明
風光似此須行樂莫管頭顱白幾莖

送望山尚書入都

新歲春晴減薄寒尚書應 詔赴長安三江父老攀轅

送一路桃花信馬看嫁女粧奩添後乘憂民丰采重朝

端 君玉若問棲霞事定奏山門水要寬

山門外新開大湖

大婚典禮重青宮恭值 慈寧祝華嵩高啓門楣迎貴

婿驚聞 天語喚親翁均調玉燭資肅相鎮撫金河仗

寶融兩事難兼須引例張温在外領三公

蔗漿真覺老逾甘鄧禹生兒滿十三行禮好同新命婦

公妾張氏封一品夫人 懷人難忘舊江南西清應制頻簪筆紫禁

承 恩許駕驂倘奉 宸遊陪 御輦上林花雨正紅

酬

送行只剩袁絲在老唱驪歌十幾年金屋人封馳賀啓

橫塘舟泊鬪吟箋春雖小別花終戀莊自長荒主倍憐

一語後堂公記問有無雜佩賜彭宣

公愛枚賀啓許賜雜佩

佳兒歌爲李竹溪同年作

李氏有佳兒稱名自呼燧豐頰頭嶽崎通眉質穠粹客
秋來隨園勝衣才七歲其時壽萱堂稱觴集朋輩兒來
蝨其間隅坐聽鼓吹客密一身藏心靈兩眼銳不受乳
母詔寒暄吐詞媚不並先生行從容就賓位能習少儀
篇尊壺面其鼻能辨琅琊稻辟咄便長跪懷核告先歸

負盛揖始退駸駸萬目看竊竊羣言議項橐孔子師甘
羅宰相器古人久不作今兒或可繼未幾兒叔來道兒
能屬對梅花古岸香芳草新堤翠子謂子胡然母乃倩
人僞招兒膝前立試兒兒母懟公然羅漢松舉對水仙
卉以佛擬神仙銖兩俱相配奇哉此佳兒聞一乃知二
虎子自食牛蘭芽早拔萃若非任彥昇旗蓋中天墜定
是陶通明香爐送霞帔仙李舊根盤家世傳明慧武或
爲亞子英雄張一隊文或爲長吉能留韓愈轡嬌者姝
師兒玉溪夸清脆仙者老郭侯頭枕天子睡兒今將母
同法祖擇其最兒父吾同年老鳳聲噦噦積善世其家
有子應顯貴嗟予幼了了科名亦早遂愧作倒棚譏俞
覺後生畏恨無左伯豪薦兒登朝陞且學龐德公將手
撫兒背勸試字九千毋忘山一簣長舉無恤詞早赴重
雲會致身 聖明朝禮樂佐隆備明知冬郎相義山久隳
悴且賦佳兒篇播傳爲國瑞

送託師健中丞重撫桂林

小別三江口重開八桂堂望塵來故吏駐馬問新秧元
老顏如昔甘棠樹恰蒼生猶同蟹戶迎拜各焚香
妙絕瞻園景平章頗費心一樓春雨足三寸落花深仙
鶴遷喬木閉鷗聽好音不知天外使可憶舊雲林

謝託公賜瞻園碑記

韓山片石蒙公贈密字真珠玉篆斜惹得山人夸未了

蘭亭初搦在儂家

再贈中丞

白雲孤鳳語碧海青琴絲高卑雖懸絕一見難分離
瞻園大中丞翩然海鶴姿官職經三朝聲名動四夷賤子
仰宮墻六年不敢窺自顧螢末光敢敵青陽輝倘蒙衆
人待反失徑徑爲隔簾望明月未見終狐疑履躋登華
山欲上猶趑趄賴有潘安仁道公謙且卑憐才如飢渴
汝可往見之山人整巾帶厭介仰光儀溫溫大儒顏春
風將人吹遊目瞻園景樓閣新參差公曳藜杖引筋力
無少衰使我作曾點沂水春風思從此寄箋咏使者縱
橫馳稱我中心人和我投贈詩八月十三日白露中庭
滋引裾問經綸世理窮銖鎰皇王相窮竟周孔相攀追
畏匡存別解一貫有心期程朱慚局促鄭馬亦糠粃更
談周易義議論尤恢奇道此大聖語文王與庖羲六龍
以御天幽贊生靈著後人相去遠如鳩窺天池強解爻
象義毋乃非狂痴大哉先生言千年無人知宣尼過五
十方敢作繫辭所以雅言三不以易教垂枚惜聞道晚
今日得良師公亦向人道此子能叅稽絕無才人態而
有入道基枚聞感知已懷古中心悲挾貴與挾賢瑣瑣
均堪嗤果然學問深如水沃塵翳嗷嗷常不足欸欸無
詆媢枚今侍君子終身願因依何圖未一稔西粵催旌
旗我欲留公住明詔誰能違我欲從公行高堂有慈

嶂一日一見公日短心無涯一年一寄書書長雁來遲
惟有懷公贈摩挲瞻園碑碑石有時泐寸心終不移

聞中丞改撫皖江

一紙黃麻聽好音果然天意卽民心皖江樹愛甘棠舊
西粵車停瘴雨深 當宁忍拋元老遠瞻園仍望主人
臨誰知故吏蒼生外別有閒鷗喜不禁

過雒臯訪何西舫明府淹留數日別後却寄

秋霜明廣陵揚舫來雒臯爲訪何水部遠勞袁奉高官
聲桑下聽仙樂堂前操賓館雖儲侍陳榻先招要感茲
黃花節相逢白首交深情追往昔離恨舒今宵夜夜故
人語喔喔晨雞號

入境喜絃歌懷古悲陳迹今日水明樓當年碎疆宅國
初盛簪纓海內馳巾烏一聽雍門琴永斷山陽笛問舊
隣不知照影水空碧欹樹待樵來孤花冒烟立逝者盡
如斯萬事今猶昔淒涼異代交三復同人集旨碎疆有
同人集

平生讀國風好色慕古流誤聞此邦媛窈窕能清謳遠
道致瑤扎含情託蹇修何圖二南化漢女不可求豈無
鳩烏媒所致非吾儔干愁攻羈客獨宿難深秋西施未
有期范蠡回扁舟

城外船欲開城內呼鷗響君來送我行燈下紅旗朗依
依膠漆懷脉脉雲鴻想榜人催別離趁此夜潮長思君
心尚留別君身已往夢醒不見君霜月淒蘭漿

有客

有客溪頭訪若耶
袁絲何處種桑麻
牧童遙指水流處
紅出一墻文杏花

贈希裴觀察四十韻

憶昔叅師相名甥
仰大賢雲泥一千里
桑海廿三年半
百公方屈稱觴我自憐
借題將有述染筆愧難宣
吏部當時貴郎官
擅譽先謝莊司九品
毛珩掌三銓智府冰
亞朗神機玉燭鮮
方書頒柱下勲格配階前
再轉西臺肅行看
獨坐專鸞坡鳴獬豸
柏府立鷹鷂五馬馳
江左三河轉漕船
福星歌子駿得寶唱
華堅黔首交相賀
金陵倍有緣治河臨瓠子
鞠獄到幽燕去似春難別來如
月再圓薰風吹草偃
高識踞雲巔路正行
尤穩心虛事不偏
客秋吳下吏誤權
水衡錢計相鋒車出羣
胥草索連聖人頻寄問
方鎮共憂煎談笑看公到
從容把事全微言風欵欵
握算腹便便吉甫元和簿
夷吾手實篇霜燈親檢校
公府苦周旋黑霧消三里
蒼生付一肩橫塘還築戟
吳市滿香烟此際飛春雨
忻逢啓壽筵自持書一卷
不羨客三千錦幄靈萱茂
金堂寶樹聯台星方熠燿
元髮未華顛賤子長餐
朮何時慰執鞭銜花斷
白鹿斟酒對紅泉身賤趨
陪少情深禮數捐新詩商
格律古玉論雕鐫驚眼雙
龍勺公有龍勺甚古低頭
五色箋瓊瑤堪比德筆墨
更如仙喜傍慈雲近終增
小草妍私情借寇

佳公論祝鶯遷感舊京華日陳情暮雨天謹歌壽人曲
交與女兒絃

雨中卽事

驚風萍葉開帶雨池聲大青蛙抱佛心踏上蓮花坐

哭曾南村刺史并序

南村刺郴州官署災夫人及一女焚死南村以
痛其妻與女故辭官歸半途亦死

慘事傳來確驚心竟是君三更宣榭火兩世伯姬焚解
綬腸先斷歸途手亦分斯人有斯報難問楚江雲
同謫爲仙吏先予刺一州省郎青瑣月燈館白門秋舊
夢何堪憶晨星幾個招孤兒長成未東望淚雙流

隱仙庵聽卓道人彈琴與丁珠秀才分得離字

素手拂青絲空山聽演師聲希流水緩調古白雲知細
雨初晴日茅庵欲暮時那堪聞此曲孤鳳與鸞離

次日招似村公子聽琴得青字

羽人彈綠綺公子坐空庭小室留聲久繁絃惹客聽雨
中春酒冷風裏落花停似爲餘音繞江峰分外青

溫屏山太守書來索詩賦五言奉寄兼呈賢兄皆

山

去年送君船殘臘過江表今年接君書書來春已老君
書良何如密字連真珠索我瑤華箋催我紅鯉魚感君
相思長愧我歌詩短歌詩久已成欲寄長天遠

昔君宰沐陽賤子爲前驅後君宰江城南衙日歡呼愛
君好風懷真味如醍醐冬心常冷抱古道能持扶南廵
一瞻天飛騰在須臾扁舟不爭風亦頗利江湖寄語熱
中者請觀温大夫

君家皆山子孤清如伯夷一談成至交此事燈花知所
爭根本大所傷知音希弟作西江守兄別倉山友棲霞
紅葉霜金燈白門酒此會何時重此情君憶否想見老
彌明至今猶閉口

皆山見人寒暄之外嘿坐而已

老境

老境居難慣新居一倍愁白鬚更更莽病齒痛偏留作
楷書難小高談語易偷看看名與姓大局定千秋

偶成

水鳥飛上樹是誰偷采蓮爭蟲魚影聚受露柳條偏紅
雨媚朝日白花明晚天呼僮遲掃地好讓野雲眠

金川門

金川門外水雲寒道是燕兵渡此灘狎客名儒同誤國
君王真个用人難

栽松

青松手種兩三行聞道難栽過豫章待得成龍吾見否
不能對汝不思量

贈楊江亭提督

白髮三朝望真州九代居期門曾試弁東觀更修書文

武才原大神仙健不如誰知公八十安步尚當車
聽說先皇事歛歎感不勝寬仁漢文帝悠久宋昭陵
吹夢春風過回頭歲月增傳聞猶雪涕何況是親承
清秘三間閣虞翻有舊牀商尊明翡翠晉帖雜鍾王簾
影風花靜書聲子弟忙此身真法物何必弄圭璋
羊祜荆襄督歸來二十秋功勳留片石老物刺輕裘
鳳瓊林客童孫小子侯門前江水濶何處不扁舟

自嘲

小眠齋裏苦吟身才過中年老亦新偶戀雲山忘故土
竟同猿鳥結芳隣有官不仕偏尋樂無子爲名又買春
自笑匡時好才調被天強派作詩人

哭座主虞山相公

台垣一夜隕星辰禱祀難留嶽降身雨露正濃梁木壞
綺羅雖盛相公貧東園秘器頒張禹車駕臨門問賀循
聽說憑棺天語痛至今哀感動旁人

瓊林曾記遇歐陽早列三千弟子行聽樂夜眠東閣雪
趨朝晨掃後車霜江湖淪落師門遠海宇昇平相業忘
二十二年前進士不堪回首舊宮墻

前年扈蹕邗江過小泊隋隄艣暫停絳帳談深春雨
細金燈人別暮山青恩無可報身原賤事有難憑夢不
靈公夢白猿入贊榜此後西州水流處羊曇涕淚怕重

經

支枕

支枕悠悠午夢餘
開門仍是閉門居
客來下馬有閒意
未見主人先看書

用定聲錄韻贈周青原

我生十二年竹馬
騎入學周郎如我年
入津童而角微
之愛龐巖爲其兩
相若衣裾撒我門
厭介來酬酢玉戎
岩下電中散雞羣
鶴玉出到眼明蘭
風滿懷掠縱論至
於詩風雅同商權
新箋出袖中寶劍
光騰躍梵筴裁整
齊楷法矜戾削置
屐覲謝郎才具可
約畧初寒歌兩篇
速藻驚沉着再和
春草詩風華尤的
爍讀罷意超超對
郎視矍矍初疑守
天樹紅霞夜深嚼
又疑捫麟鬣赤手
鯨牙拔郎乃負墻
立拱手揖先達願
談元中元庶幾覺
後覺感郎意嗷嗷
老夫請刺刺六義
非一體源流各有
合八音非一器硯
散絃匏雜大響奏
鈞天簫韶兼衆樂
百川會東海隨宜
供吐納彣彣目論
者取徑乃取狹畧
探文選理嫌韓蘇
粗選未窺李杜藩
先笑溫李弱強界
唐與宋如以裘屏
葛所見同陳疇將
肘類肉鴨龜茲自
稱王李重不足殺
鄙儒遇都士一醮
甘百罰願子雪此
言高坐酣勇爵萬
象各端倪詩懷兼
午割妍媸鑒古人
胸懸萬年蛤毛詩
三百篇去其味嚼
蠟童子歌滄浪何
妨便取法修業不
息版訓練三千甲
慘淡役心靈別造
牟尼塔廉如雞食
跖貪如魚祭獺色
如江濯錦聲如輦

過關誓服龍虎虵奔馳泰華嶽審格先審題用墨如用
藥會見月宮桂專待吳剛斫豈徒張一軍臧洪作首歎
南都才子班嚴吳尤灼灼冬友元理問年都輪君戰罷校數
闔六月蘊隆天拚席不以鬣將子來施施索詩應日諾
借扇書淋漓余懷傾七八甘苦述技經卮言非綽虐就
使子胡然此歌子宜答

戲柬似村

想見西園暑乍收碧梧翠竹雨修修六郎池上憑欄立
我替蓮花起暮愁

傳聞遺失金條脫羽化銀杯可絕踪惟有玉人偏不惱
抱郎雙腕暫輕鬆忽盜金釧逃去

短曲長歌字數行六年無日不相將屏風若有蕭娘記
紅豆拋殘第幾箱

約我花階設綺筵定期七夕晚涼天牽牛織女河邊笑
又累人間請客錢

贈悟西上人

悟西事我如事佛每逢朔望來參謁十五年前舊邑侯
諸人忘矣師偏不感師念我轉自思作令無狀師所知
師言當年政清靜卽此已是大布施我昔善除竿牘弊
恰無峻法加胥吏又頗不喜佛老言恰於僧道無憎顏
歐公本論未施設韓公原道休饒舌果從天視盡蒼生
何事人來強區別我持此論頗有年因師見訪聊一宣

師年八十顏色好昇天應笑釋迦小

聽鶯曲爲研農主人作

垂楊絲裊裊黃鳥聲交交中有聽鶯人短髮形飄蕭一
聲初轉如戛玉千聲萬聲肉勝竹細雨搖風欲落花斜
陽覆水難終曲當年行役赴遼西只有黃驄陌上嘶青
天蜀道家山遠芳草長亭落照低歸來楊柳如人大流
鶯還抱楊枝坐紅雨當頭仔細聽聽時能使春愁破自
非天性少情人爭耐聞鶯不怨春我將滿載青山酒同
着流鶯一問君

重登永慶寺塔

九級浮圖到頂寒十年前此倚闌干過來事怕從頭想
高處人休往下看

登山

焚香掃地待詩成一笑登山倚杖行愛替青天管閒事
今朝幾朵白雲生

吳門借寓陸郎墓題壁兼寄其外祖一瓢徵君

孤花一樹陸郎墳草屋三間水氣熏停槩有人來假館
青山何處不留雲

地下童烏識我無當年詞客換頭顱秋階手掃霜林葉
權作君家墓大夫

小劫華嚴十載遙相思無處把魂招夜深風折西窗竹
彷彿猶聞子晉簫

虞山小住贈許芝田明府

同咏霓裳廿四春重聯芝蓋五湖濱但知俸好全供母
豈料官清轉累人時方調簡索助宓子絃歌宜小邑許由家世
本天民白門烟柳青溪水記爾留題墨尚新

贈虎邱僧離公

離公慶七十大設伊蒲供其時九月望素魄明高峰我
適渡江至虎阜攜孤筇隱隱簫一枝濛濛烟幾重尋聲
探遠寺抗手揖羣公陳遵忽驚坐小邾以名通齋厨禪
味淡暮靄嵐光濃初菊逗微黃繁燈綴深紅主人畢仲
游避面隱墻東其餘諸仙郎悄悄伎曲工酒闌山影沒
塵定歌聲終禪僧高興發亦復鼓胡隴老鳳鳴孤竹一

沈羣喉空萍踪偶然聚白社千年風次日僧持紙索我
題真容卽書此日事留爪當飛鴻

苦寒

磨墨不動冰生花重裘雙襲如輕紗元冥行令理應爾
一寒至此寧無嗟憶昔去冬逢此日水泉不結梅含葩
天公并作一年冷河僵海老風揚沙前雪未消後雪至
寒心飄搖宿我家西園木皮五寸厚便了鼻涕一尺斜
陷冰丸薄古瓷裂迎春奏遠青陽遮黍谷吟斷鄒律吹
仙鶴道比堯年加兒童呵手狎叶牙上天請捉黃金鴉
諸姬各嫌帳不華寒酸羞烹學士茶我獨縮屋高自夸
雪車冰柱吟劉义周公言冬陰不閉烝陽發洩爲淫邪

於今肅殺應月令來歲應收好麥麻就使月宮凍斷銀
河槎亦使張騫熱客心小差山人老矣暮景逼不能采
炭南山窪又無長裘與廣廈覆蓋寒士爲民爹惟有耳
護許公襁背抱吳宮娃金爐燦列如排衙私念宮門待
漏沙場走若此此樂誰爲佳

吳門遇許部郎費秀才俱道予當八九十矣旣覲
各驚齒未笑賦一詩

不是年光肯倒流諸公錯認古陽休若論經歷人間事
自問原宜久白頭

從吳下還家句容遇雪重宿朱園感贈主人

不到朱園住星霜歲幾遷主人驚客至扶病出堂前握
手先看面回頭各記年燈明曾宿榻壁損舊題箋出拜
兒孫大堆盤膳飲鮮卸裝庭繫馬輭脚僕分錢恰值隆
冬月重逢大雪天擁爐呵凍筆索火煖泥鞮情比還家
好交因垂老憐苦留君宛轉久別我纏綿敢惜千場醉
多增一夜照再來應有日切莫指華顛

如逢開行

折竹當藜杖開行過小亭無人獨自語溪上一鷗聽

陰不開坐

雨久客不來空堂飛一蝶閒坐太無聊數盡春蘭葉

九月十一日夜

金燈淡淡映書樓銀蒜沉沉押畫鉤一霎秋風吹落葉

波濤都在樹梢頭

小倉山房詩集卷十七

壬午癸未

錢唐袁枚子才

元日

將老戀韶光當春重元日晨興整冠裳焚香坐密室黃
梅香尚幽白雪清未畢念此良辰晴敷天齊道吉觸景
如逢新懷舊若有失逝者幾何年公然四十七久辭待
漏霜空對書雲筆履端人未來筮日吾始出珍重此寸
陰不覺搖兩膝吟成今年詩開卷此其一

題王少林北征集

江左烏衣客河梁白馬行採花金谷樹聽雨洛陽城古
蹟歸遊子中州得正聲遙知年少目不讓賈生名

愛汝新詩好傷子舊雨寒阿戎如此秀大阮不同看風
斷山陽笛花開謝氏蘭憐才兼憶昔掩卷淚闌干

傷孟亭先

棟在中席上贈樹齋雨林兩公子

與君未見已相思况復雙攀玉樹枝外戚 恩榮同扈
駕建安兄弟各能詩西園水暖班荆早東郭燈紅散酒
遲難得雲龍徵逐處江南三月落花時
吳歌宛轉管絃聞綺席同陪棟使君白羽扇涼詞客寫
紫羅囊好雪兒分偶來天上春將去並坐花間鳥戀羣
我欲吹簫招子晉遠陪雙鳳入青雲

題樹齋贈別胡郎詩後

聽唱驪歌別阿儂搖鞭無奈管絃終桃花昨夜相思淚
背着春山獨自紅
花滿春堤月滿鞍紅兒相送小長干老夫萬種風懷淡
只覺人間別最難

魚門極愛萬柘坡遺集余讀之中有與袁子才

雨之作愴然感舊爲題一詩

偶翻亡友樂于集中有同吟我姓名二十年前春雨夜
九重天外化人城雲璈品逸宮商冷鸚鵡才高福分清
難得心香最供奉未曾傾蓋一程生

贈陸鮑兩秀才

人間竟有雙珠樹天瑞真同五色雲惆悵貞元老朝士

風懷振觸少年羣

名士翩翩半渡江清才若个最心降待中風貌南朝重
何偃長明是一雙

題陳梅岑詩卷

元郎秋夕清都夜都是吟成十六時似爾一編清似雪
論年還更小微之

試罷籀書九千字更聞成誦十三經對君不敢低頭看
恐是瑤光第六星

寄樹齋雨林

恨事如流水都來三月中人間送公子天上別春風班
馬數聲響落花滿地紅所思人不見燈影小樓空

擁髻吳兒舞題襟楚客狂才當懽笑處已是別離場
蹕程應緩懷人夢可忙知君射飛鳥不忍向南望

後會寧無日前期未可知心如一輪月光照兩瓊枝羽
便宜通札官閒好寄詩年年東海水流不盡相思

與師健中丞相見宮門別後却寄

投簪久不到丹墀爲訪臯夔立片時握手教同中貴坐
低聲私咏見懷詩老臣身健龍顏喜元首恩深雀弁

知公新未敢掃門非我嬾知孔雀羽眷隆多半下朝遲

酒友歌

與程荆南同遊惠山飲惠泉酒大醉荆南作泉
酒行笑余余作酒友歌轉笑荆南

隨園先生枉生口能食能言不能酒獨醒人間四十年
天降酒星爲酒友酒友酒友程荆南酒車騰酌日再三
糟漿之氣衝鼻起百步之外人先酣與余同下蘇州道
一月忘修杜康廟望見前村賣酒旗口雖不語心先笑
惠山泉碧酒材良賜汝一壺恩渴羌君言主人不先客
不舉強余嗑嗑醮半觴頃刻玉山頹不佳頭若崩雲眼
墜霧無福能交顧建康有心欲殺孫主簿還君漉酒巾
封君酒藏吏君量大如取兖州我量小如守敬器豈徒
割席拒華歆將縛衣冠射蔣濟

偶作

晴太溫和雨太涼江南春事費商量楊花不倚東風勢
怎好漫天獨自在

題蔣申吉蘇州竹枝詞

百首新詩紀土風風光寫盡一年中分明小坐橫塘雨
吳語零星聽阿戎

廿載通家話最長白頭相見感滄桑能言慶歷昇平事
端賴屯田墨數行

楓橋有懷

枕上釵痕暈未消水邊蘭槳送歸潮雪花點盡楓橋路
中有情人憶昨宵
昨宵霜重錦衾寒左臂隨郎枕未安時與阿侯爭阿母
沒分身處教卿難

五月五日竹嶼山房卽事

五月五日橫塘槎欲泊不泊詩人家詩人愛客不見客
尋客似尋菖蒲花一行名紙來相請主人先在歌場等
迎得開元鶴髮翁紅兒都把花冠整就中飛燕尤輕盈
與余相識如有情調笙舊按鷓絃譜橫笛新翻水調聲
滿堂詞客齊招手清驢所矚君知否留得當場壓隊花
那愁似海東家酒親挽嚴粧坐綺筵冠纓欲挂倍纏綿
詩境重開鋪錦地春心欲鬪水嬉天曲終送客高樓宿
樓上垂楊晚烟綠竹響才消歌吹音夢回還照金花燭
明朝搖櫂泛餘杭曳雪簾雲別陸郎調璞彈指人生能
有幾客中如此作端陽

舟近錢塘望西湖山色因感舊遊

久客還鄉夜不眠望鄉長自立帆前一痕山送西湖色
萬種情深故國天舊宅蕭條傷往事此身生長記華年
遙青已接還遮住可是蘇堤幾點烟

隴上作

掃墓先爲別墓愁此來又隔幾經秋每思故國期還趙
忍向重泉說報劉華表風前烏繞樹紙灰烟裏客回頭
懷中襁抱今斑白地下相看也淚流

冷泉亭遲荆南不至題石上而歸

飛鳥暮歸山色裏懷人心斷水聲中君如來取春泉飲
定有相思味不同

孤山范公祠是少時肄業之所重過有作

舊遊真个似前生水榭風廊到眼驚滿樹黃鸝應識我
當年聽過讀書聲

曾擒蟋蟀傍西墻曾捉楊花過野塘今日教儂理前事
不知何故沒心腸

物換星移三十秋輕塵短夢水西流道人不是無尋處
山上萋萋土一邱

斜陽不改舊山門堤柳依然對酒尊只有西湖比前冷
照人頭髮作霜痕

韜光寺

左旋竹色繞右折竹徑昏萬竹綠成海一峯古當門我

來逢日暮石磴滋苔紋微覺暗泉響不見銀河奔誰知

鳴竹腹百道相糾紛九天落珠璣僧厨瓦上聞小憩金

蓮池寒玉浮氤氳湖光窮目力海影搖窗痕誓畢向平

願來陪金仙羣同持碧鶴尾日掃青天雲

湖心亭登臺望月同程錢兩秀才作

湖心更深春月朗一亭如雲飄水上水精宮有三人來

同踏空濛神恂恍鮫綃萬重烟翠樹竹笛一聲漁動槳

亭旁露臺高百尺雕欄上接廣寒廣登臺欲捧爛銀盤

白榆歷歷指諸掌月如開戶光無邊星豈叛天去成黨
九州地缺琉璃補半夜潮生蓬榻響疑乘紙鳶身欲飛
怕觸銀河頭不仰此時高唱昇天行衣裳飄飄作雲想

小倉山房 卷十七 六
但見萬川印爲一那信人天還有兩仙乎仙乎如相招
風車一下吾其往

龍井

龍厭西湖喧別選藏珠宅澄泓一井泉搖漾半天碧葉
墮鳥銜去魚行人不隔時方迎 六龍崖磴加開闢穿
竇濬靈源爬沙出奇石瀑布九天來散作千處白噴珠
隕雜花洒面亂飛雪傾耳聲洋洋琮琤碎環壁臺高石
柱寒松古蒼烟積試茗人忘歸水明天不夕

飛來峰

奇山虛空飛落地偶然借愛此西湖佳不歸成久假我
來入洞行低頭甘出胯濯濯蓮花垂隱隱哀湍瀉魔降
獅吼伏甲蛻龍戰熊陰崖飛蝙蝠丹梯聳雲架疑是夸
娥移左股痕未化又疑巨靈擘仙掌分太華容卿數百
人空洞殊可訝毛髮漸漸灑方午已疑夜萬古不見日
四時寧有夏隙小初漏天雲生又補罅前穴風雨聲再
探心已怕

玉泉觀魚

玉泉何澄清銀河移在地戢戢萬魚頭空行渺無際紅
鱗金陸離白小影搖曳窺客若有情銜花儼相戲池間
荇藻長風定水烟細可惜夕陽沉鐘聲雲外至春山生
睡容遊客有歸意回首波聲微淡月僧門閉

岳武穆墓

岳王墳上鳥聲悲半是黃鸝半子規鐵像至今長跪月
金牌當日早班師清宮客少王思禮前進兵輸來護兒
公本純臣無底恨可憐慈聖茹齋時

阿奴

阿奴碌碌竟何之如此江山兩鬢絲過去雄心消易盡
送來老字例難辭尊前春到花能覺身後名傳鬼不知
寄語人間行樂者信陵公子是吾師

九月十九夜

漏轉三更萬籟空霜華滿地樹搖風老鷓窺戶乾笑去
中有一燈坐一翁

望山公嫌枚踪跡太踈賦詩言志

不是師門意嬾行尚書應諒艸茅情聽來官鼓心終怯
換到朝靴足便驚老眼書銜愁小字詩人得寵怕虛名
閒時每看青天月長恐孤雲累太清
向平婚嫁事匆匆今歲光陰道路中一字不曾忘訓誨
終年只當坐春風月臨秋水增顏色松抱青山托始終
若戀荒莊栽小草頻來敢負蠟花紅

送潘宇情宰贛榆

潘郎頭白賦彈冠珂馬蕭蕭臘月寒捧檄莫嫌行路遠
栽桑好作種花看郡分東海風烟古地過黃河氣象寬
此去陰平吾舊治遺民可有問袁安

錢東麓少司農典試江南其尊人香樹尚書來看

榜發

令子衡文地尚書
拜節臨雲山懷舊歷桃李認新陰代
畢趨庭事兼催赴闕心
聖明如有問老健是
恩深
國瑞兼家慶如公古所難
龍門高膝下鳩杖重朝端
秩
儻官支俸天書
帝問安門生都隔代羅列當孫看

聞香亭舉京兆

喜鵲清晨噪屋端
驚聞捷報自長安
姓名豈有傳抄誤
科第從來後起難
先問題名紙樹字
上誤多一心字
玉樹新陰秋爛漫
花磚舊影日高寒
阿兄宮錦多年忘
今夕開箱帶笑看
銀袍鶴立曉風清
定有人呼小宋名
遲我十科成後輩
多君一戰振家聲
花開荆樹遙分氣
雁到青雲不讓行
只恐烟蘿騰冷笑
叔疑子弟又爲卿

送魚門舍人入都

省郎簪筆侍彤闈
綵鷁乘風向北飛
深喜故人從此貴
恰憐知己目今稀
長卿家破官才得
翁子才高願豈違
忍住頭顱未成雪
聖明時際莫言歸

雲龍踪跡記前因
海內論交子最親
山館夜涼分聽雨
水窗花落共傷春
聯床尚作同遊夢
上馬頻驚欲去身
此後蕭齋風月冷
再懸陳榻恐無人

幽燕此去路迢迢
往日鴻泥跡未消
判事莫談温室樹
遷官穩戴侍中貂
十行漢詔揮新墨
一卷唐詩補早朝
想見上林烟柳外
季良長鬣影飄蕭

舍人多髯

中年容易動深情况唱驪歌與客聽折柳路從江上盡
斷腸人對暮天青霜鴻羽健秋千里桐樹心孤月一庭
妻子不知緣底事臉邊來問淚星星

題蘇州太守孔南溪壁上

白下閒雲吳下過偶來燕寢脫烟蓑十科進士同年少
三守名邦異政多明月上廳花送影涼風穿樹酒生波
好將魯國狐裘誦付與金閭士女歌

舟中作三韻詩四首

昨日逆風打船頭舟人背纜如背牛今日順風送船尾
布帆一日行千里昨日非拙今非賢船中有人笑向天
良馬晝行夜不行楊聲日夜無留停居家避客門常閉
舟中開門客不至人生三萬六千場惟有舟中日最長
前年尋春春不得枉住蘇州嚼冰雪今年尋春春更杳
美人如雲隔仙島造化小兒笑未終除却此事難惱公
東家鴟梟鳴可怪欲殺無刀心不快西家狐狸蹲上屋
欲射無弓心不樂老僧枯坐發愁嘆不見容易不聞難

哭座主留松齋少宰

十年前別淚先彈原恐衰年再見難幾度信來傳老病
恰欣人到說平安今朝絳帳真零落他日黃墟更渺漫
白髮彭宣想廬墓元堂當作後堂看

哭徐芷亭方伯

萬里黔關二品身一行遺表泣孤臣老懷怕數同年客

天意先亡古道入花下馬蹄留舊迹水邊楊柳換新春
相思曾有詩千字不及傳箋倍愴神

癸未元旦日

歲首百事忘天晴萬花喜元日如今年人生能有幾隨
衆披新衣澄懷觀妙理阿母扶上堂同拜尚有妙女兒
各倩粧嬌甚不成禮四隣爆竹聲中且猶未已傳坐伺
過客來者亦數起喜界編年詩怯增坐席齒吾生自有
涯節序何時止欲作迎春行先從探梅始

唐人元旦飲
客號曰傳坐

見緯
畧

新正四日望山尚書召飲四鼓方歸次日將此夕

言論賦詩呈覽

正月四日春風新尚書折簡招幽人幽人家住雲深處
白雲帶入朱門去燕寢凝香靜不譁香梅開遍後堂花
爲憐盧楹傳經學特領彭宣拜絳紗侍兒手捲流蘇帳
夫人出見東廂上身受金闈曠代恩果然玉立天人樣
天家頒到御厨珍仙鹿黃羊味絕倫一餐得飽先生饌
餘瀝還隨人聖主春醉步西園待新月飛花爭繞郎君
筆揮塵人陪幕府談提燈僮報先生出絳蠟燒殘第幾
條含商嚼徵興方饒文章甘苦深嘗處彼此麻姑癢欲
搔自言七十明年度江花江草看無數戀闕情深屢乞
歸報恩身老時愁誤不吹風笛唱新腔只願烟村留雨
露玉帳牙旗三十年家鄉回首貧如故更將舊事說滄

桑惹落燈前淚數行往日先公辭祭酒曾從藩底識
先皇陽城起復恩何速陸贄登科眷更長半世閒身加
鼎鼎五年詞館卽封疆重重獎許君王詔臯夔爾日
猶年少今夕聽來感不禁當時身受如何報夜深官鼓
響瑟瑟路國精神少倦容廣長妙舌天河水一樣瀾翻
聽未終山人還山夜四更梅花紙帳一燈明怕成陳迹
將詩寫尚有餘波記不清

寄答樹齋雨林

香桃飄雪柳拖綿公子題襟又一年惆悵春泥没人掃
馬蹄留迹在門前

花箋爭寄水雲遙白雪清商韻共飄想見通侯門第靜
一家天上奏簫韶

怪我遲遲答報章半年聽雨宿橫塘君看天外孤雲影
料是幽閒轉是忙

惜別吳兒淚滿衣至今江柳尚依依知情只有司花鳥
衝着櫻桃向北飛

嫁女詞四首

春花多辭樹嫁女多辭家明知理當然不謂事遽加我
有阿成女容顏如朝霞嬌語聽連環傳經倚絳紗幼態
宛如昨般送忽登車平章合歡鈴辦治宜男花有珠懼
勿明有服嫌勿華東具西復缺禮備儀又差姘姆議瑣
瑣媵御爭呀呀竭我陪門錢買我離別嗟雖了所生局

未卜所適佳嫁女與添丁畢竟誰惱爺

同居人暫離怒焉心已惱况是掌中珠懷中最嬌小我
又無男兒衰髯如蓬葆藉此慰所無起居伴昏曉人視
已長成我視猶襁褓并此復乖分教我如何老夫婿住
姑蘇江天水渺渺田多尸祭忙族大持家早歸寧豈不
歸路遠終知少堂前晝惜惜膝下風悄悄中郎幾卷書
他日付誰好

東家嫁女兒珠翠傾千箱道路多側目門閭生輝光一
朝失婦德所贈都如忘西家嫁女兒荆苕與布裙奴婢
嗤其陋戚里嫌其貧未幾聞賢淑黃金鑄婦身姑恩不
在富夫憐不在容但聽關雎聲常在春風中澤髮苟不
順何以施鸞篋敷粉苟不和何以光容儀卽小可悟大
柔情須自持毋違夫子訓毋貽父母懼

未嫁女如兒已嫁女如客送客出門去主人頭愈白風
寒咏絮窗月冷畫眉筆阿母淚盈盈全家如有失難忘
辟咤時繞案分梨栗辜負嬉遊天下九及初七勲名旣
無成骨肉復蕭瑟嘉耦自然雙此累幸而一巍巍五嶽
山欣然洗雲出催我遊勿遲平生事已畢

偶成

春宵好景怕相忘有得頻題墨數行花落竟疑鋪錦地
鳥啼如入選歌場鏡收山色成圖畫書作屏風掩洞房
莫道主人不知樂夜深猶自繞回廊

早開梅凍傷矣慰之以詩

千樹梅花開一樹忽遇春寒又勒住頗似良朋訪我來
自悔孤行復回去惟悴香心合自憐從來風氣莫爭先
請看一種調羹者別有東風二月天

翻書得花數瓣上寫庚午年收藏愴然有作

展卷方知色不空幾行綠字襯殘紅十三年上春還在
逃出華嚴劫數中

霓裳久已散仙班一片香雲影獨還寄語成烟先去者
無書原不住人間

月地雲階事渺茫蠹魚也解護紅香看渠風雅歸依後
洗盡鉛華換墨粧

留仙珍重說持裙可奈吟殘手又分改置離騷第三冊
招魂開卷易尋君

絕代穠華逝水流啼痕鬢影惹春愁傷心玉貌誰長在
不是人身尚可留

寄師健中丞

去年見明公如坐春風懷今年對春風如見明公來春
歸公未歸懷抱何由開憶昔在江城知音日與偕花箋
寄遙夕元理談蕭齋一朝送旌旗羽翼隨風乖宮門立
須臾訪仙到蓬萊行轅偶叅謁一見抵百回而今又經
年春光轉秦淮空教泥憶雲不見月當階流水猶可割
相思誰能裁因風寄遠音翹首看三台

花下

花下壺觴月下歌風中鶴筆雨中蓑律嚴自累詩成少
園好翻嫌客到多古石登高雲漸起新池開濶水微波
看儂如此山中住可肯簪纓換薜蘿

答中丞見寄

一葉瑤華至開函喜不支春來知老健札外有新詩風
調曹劉上襟懷稷契期遙天雲五色紅處是旌旗

春日禱吟

春宵夢醒月華涼窗外花開窗內香花似有情來作別
半隨風去半升堂

會向西溪插柳條隔年相訪絮全飄一雙翠鳥清狂甚
故立風枝自蕩搖

爲少栽培瘦牡丹又緣冬冷損幽蘭憐渠畧比羣芳貴
便累園丁服事難

風雨多時易落英陽烏如炙可憐生遙知花意同人意
只乞春陰不乞晴

認取春泥記笋梢自驅黃鳥管櫻桃不曾閒着絲綸手
何必蓬山釣六鰲

寂寂柴門雀可羅牡丹開後客頻過山花未免從旁笑
到底人貧富貴多

每悟生機叅物理鴛鴦無語立幽窗請君數遍閒花草
若个新芽不是雙

雨後流泉響不禁綠波明處照春心呼僮拔盡池中草
莫使人知水淺深

一枝桃插膽瓶斜未許春歸到別家攔路蜜蜂狂太甚
公然來采手中花

兒女輪流各賞春酒杯終日對花新高堂戒我毋他出
阿母明朝作主人

五尺屏風八尺床洞房強半近書房爲貪花裏香眠早
不負燈光負月光

靜坐溪頭學釣翁蜻蜓數遍水光中幾條金線忽搖曳
楊柳比人先覺風

送婿偕女歸吳門

看騎竹馬忽東床原是通家玉樹行江上親迎春二月
山中成禮日三商美如孺子官終貴編到韓文望正長
慚愧名流稱樂令水清清到女兒箱

左家嬌女髮垂髻歸妹初占第六爻婿行第六吳語乍聽應

未慣秦樓暫住忍長拋閨中失禮憐渠小堂上承歡仗

汝教此去橫塘春未艾合昏花正放新梢

四月八日侍望山公西園壽讌作

香烟吹滿石城東聽祝如來又祝公隱者稱觴官散後
尚書留客月明中階前指樹年同老露下看花色更紅
天上蟠桃都手種今朝幾朶醉春風

論文每到夜三更賭背唐詩口應聲慣把精神壓年少

平分福壽與蒼生古稀預卜來春近
恩禮迭看曠代榮只願佛緣南國久少微永傍歲星明

虎邱懸一魚頭長三丈詢其被獲情節為作巨魚

歌

崇明三日雨如注海水如雲飛上樹巨魚騎浪遊人間
意欲來吞一城去天吳忽退波浪空巨魚欲去無天風
身橫千畝動不得長鬣倒挂泥沙中海人嗜魚爭割肉
乘梯登背如登屋萬人已飽魚不知血湧紅潮響坑谷
尾搖欲把青山掃鼻息衝沙成小島費盡人招海賈文
腹中葬骨知多少雖未成龍已有神千年涎沫生風雲
遊還龍伯扶桑國嘗遍周秦漢魏人一朝運盡魚無那
輦來朽骨空驚大兒童知爾死無靈高歌齊上魚頭坐

哭溧陽相公

三台星坼上公嗟 中旨遙聞郵典加少着宮袍才出
學老依黃閣當歸家 殊恩鄉里曾開府佳話瓊林再
看花六十六年享天祿人間何處說榮華 公溧陽人
總督兩江
相業原如海樣寬 聖明時際見才難六卿印綬身全
佩七省旌旗露未乾路國晚年同輩少千秋上殿小車

安 奉 旨肩輿
入紫禁城

朝廷此日亡元老華夏無人拱手看

追隨函丈愛風標領袖神仙冠百僚絳帳橫經傳六藝

秋燈感舊說三朝清談瀏亮能霏玉品服詳華最稱貂

公襲衣六十箱回首後堂如隔世哀絲豪竹雨瀟瀟

一見相如賦上林推袁到處比南金許爲國士言猶在
不薦彤廷感更深花落尚存含露態山頽永斷出雲心
史官儘寫哀榮事那識羊曇淚滿襟

詔舉陽馬公
欲薦枚不果

春歸

春歸花剩晚烟痕半百頭顱易斷魂兒未曾生女又嫁
一雙乳燕哺晨昏

蔗

無情惟草木惹恨是江南甘蔗知春去心紅味不甘

聞香亭殿試落後將爲邑宰

報捷南宮耳乍聽再聞臚唱倍心驚未工楷法難高第
早得花封稱宦情似子真堪論政事傳家豈止重科名

江東棠棣碑還在較勝追隨玉案清

三十三時吾致仕君年如我始排衙要爲廉吏先留俸

好坐公堂當治家縣譜昔曾抄夜雨

余纂州縣心書詩
一卷香亭錄去

懷此後屬桑麻雙鳧倘得南飛近定擬來看滿境花

香亭信至以不追步花磚爲恨寄詩相慰

蓬山空一過何必學前人家累難修史心柔好牧民杏
塲悲小女蠶至聚窮親老我無他望金多早買春

聞香亭宰正陽再以詩寄

我昔知溧水阿翁客桂林得信買舟歸慰我迎養心慮
我年尚少居官力不任入境帶艸冠貌作路過叟召集
翁若嫗問某官賢否曰是翰林耶年才廿八九折獄最

聽強居心頗慈厚一村復一村好字不離口翁聞不易
服騎驢直上堂舉家不及知錯愕爭扶將我既失遠迎
長聽心驚惶誰知翁喜甚卽序此因由道汝能循良較
勝羅珍羞是夕便加餐齧然笑不休我生愧孝行嗷嗷
常自嗟只有者番事差足慰些些汝今復作令努力爲
民爹須防微服來阿兄如阿翁

題虎邱仰蘇樓八首兼贈祖印上人

全得虎邱勝無如祖印房紅欄半空出深樹一樓藏上
接諸天界旁橫選佛場飛花兼落葉終日滿禪床
五十三叅處軒窗面面開嬉春看人過消夏等風來良
夜月千里遙天海一杯九龍山色好相對日崔巍

葛令移家具劉綱挈小妻穿林得幽逕掃榻作雙棲展

鏡千山活催粧萬鳥啼維摩偏示病雲外聽天雞

時病瘡

小憩千人石閒行七里塘吳歌分榜響春酒雜花香橋

僻船偏聚風回笛更長生憎官吏俗驅盡踏搖娘

戲元和馬

令

劍去溪還在憑欄偶聽泉峽中雲戀石澗底樹爭天草

沒金鳧影風消紫玉烟何當騎白虎一訪太陰仙

言尋玉蘭樹別過老僧寮葉竟碧千畝花曾香六朝真

娘應手折魯望早魂消祇爲非閒日無人訪寂寥

茶肆伊誰女盈盈出浣紗當墟疑卓氏問姓識宣華表

素慵施粉安貧不戴花關心好顏色多在餅師家

禪師古支遁蕭爽是吾徒印可還稱祖題樓獨仰蘇肯
將山借客時對佛提壺書壁留鴻爪他年憶我無

病起贈薛一瓢

隱者陶宏景神仙葛稚川賦詩常作識論道必鈞元襟
抱烟霞外湖山杖履前人間小遊戲八十有三年

醫術非君好雲池水恰清九州傳姓氏百鬼避聲名

廉病為厲所纏呼曰薛君至矣即逃去散藥如頒賑籌方當用兵衰年難

掩戶也為活蒼生

一聞良友病身帶白雲飛玉杖偏衝暑金丹為解圍清

談都是藥仙雨欲沾衣仰此論風義如公古所稀

狂日耆英會曾開掃葉莊於今吳下士賸有魯靈光舊

鶴還窺客新秋又隕霜與公吹笛坐愁話小滄桑

詩二首贈滋圃中丞一介其壽一慰其疾

中丞憂國不知年嶽降心忘四月天父老競持千日酒

旌旗方掉五湖烟任兼吳越肩原重公兼管浙中海塘身歷風

霜節愈堅百姓壽長公願足謝他騎鹿衆神仙

簿領勞多體欠安故人額手勸加餐身須長健恩才

報事要親裁日正寬勿藥早知陰德大班荆難忘少時

歡封疆近覺如公少珍重軍中有一韓

題前朝董姬小像

姬嘉靖時人自描小照贈黃姬水先生諸名士

題咏甚多近為薛壽魚所藏

一幅崔徽二百年傾城名士總成烟天涯有客橫塘過
花影隨緣落眼前

想見鸞離鳳別難春山愁損目波瀾將身畫與檀奴去
較勝嫦娥月裏看

風吹髮影動輕綃小劫華嚴事兩朝輪與河東薛常侍
熏香供得董嬌嬈

古時春色遠難探近日新花露正酣我有相思不能畫
化為紅豆滿江南

調雲華君

商山子歌

商山年十二鬻身為傭保伐木同伯夷沽酒學便了主
人蔣侯家華富驚里媪主人上學時羣奴頭屢掉不願
侍筆硯只願買綾繚商山獨口舌願隨主搜討識字辨
甄益學書別行草未幾十餘年奴比主人好我曾題復
園十年失草稿商山默識之字字得頭腦又過燕子磯
古碑卧墻倒篆籀頗模糊商山悉能考我聞古大儒皇
象為奴早又有鮑與殷楊家供洒掃俱享一代名庸中
稱矯矯惟其讀書深對人客氣少低首靜悄悄安貧心
悄悄主人欽其賢戚里奉為寶我學孟佗拜不敢玉褒
黷囚之發長喟語世人宜曉肯學勿嫌賤但學勿嫌老
請看商山子能學為人表

贈歸愚尚書

九十詩人衛武公角巾重接藕花風手扶文運三朝內

名在東南二老中

上賜詩二老江浙之大老

健比張蒼偏淡泊

如高允更清聰當時全咏霓裳客得附青雲也自雄

香山社裏領耆英瀟灑何曾似六卿雨後尋詩雙蠟屐

花時扶路一門生笙歌徹夜能堅坐鳩杖隨身但應名

蒙過病中談娓娓早衰蒲柳若爲情

唐氏席上贈沈勵齋前輩

當筵重見魯靈光三十年來春夢長前輩典型還照舊

少時知己最難忘一堂絲管燈如錦滿坐詞臣髮有霜

我是婢師措老眼就中只認沈東陽

謝望山公賜素心蘭

幽人深山居如蘭空谷住偶升君子堂絲竹非所慕各

申同心言霜燈明遠樹斜睇西階西秋蘭尚凝露中有

純白者價值中人賦忽然貪心萌再拜自陳訴枚也如

小草公門久收貯愧非桃李花春風開遲暮彷彿空谷

姿寒香表幽素可否乞一叢同渠沾時雨公曰賜汝可

持歸好調護素心人已來素心花可去

贈蘭有明訓弟子請志之道藏勿掩日道茂勿分枝譬

如金屋姝太嬌病難治又如富家兒分居族必衰大哉

明公言瑣事亦吾師隨園無墻垣日影常參差田家老

瓦盆蓄養任華滋庶幾傳衣鉢臭味無差池更憐相賞

處恰在未開時此意古所難兼語幽蘭知

哭壻

老人亡婿當亡兒，簌簌臨風淚暗垂。
擬把衰年托嬌客，誰知白髮送瓊枝。
數雖前定恩難捨，病竟無名死尚疑。
聽喚阿翁曾幾日，一場春夢不勝悲。

雙飛才看小鴛鴦，轉眼孤鴻影一行。
蕭史竟無同去事，令君空有舊時香。
畫眉筆冷蛛絲繞，射雉弓凋鏡檻涼。
怕見多情天上月，夜深猶自照東床。

埋玉新房舊館甥，女兒擎藥等雞鳴。
情癡屢下庸醫拜，力竭空餘禱佛聲。
宛轉檀奴難訣別，彌留叔寶尚神清。
禁他十七紅顏婦，斷雨零風了一生。

蒿里簫聲出鳳樓，輕塵短夢太悠悠。
華堂奠雁燈如昨，江館啼烏樹已秋。
地下難攜孀婦小，人間交與阿翁愁。
愛河水竭情波濶，一夕黃門更白頭。

女扶壻柩還吳作詩送之

柩舟此去雪盈途，一曲離鸞萬木枯。
後會自然來世有，佳期怎奈半年無。
好如郎在安眠食，莫帶啼痕對舅姑。
姊妹成行偏汝獨，未知何處續遺孤。

枕劍圖爲李開周作

落魄江湖兩鬢秋，男兒未報是恩仇。
夢中怕忘英雄事，權取青龍當枕頭。
飲罷荆軻酒一觴，夜深金電繞空床。
橫陳與子甘同夢，只有當時聶隱娘。

蘇州寄懷梅岑

三吳一別兩心違，愁見臯亭木葉飛。
海上成連琴欲斷，耳邊曾點瑟方希。
詩須我定應留稿，節近秋涼可授衣。
昨夜鯉魚書早到，束修不寄寄當歸。

十三經試張童子五百年生員半千後起有人甘我老
斯文誰託仗君賢，桂花得月香成雪。
鴻雁當秋字滿天，努力挈雲心事健。
紫金鰲背躡飛烟。

十月十一日雷雨

蛟龍忍寒九淵起，電火燒霜照窗紫。
飛雹如麻萬瓦鳴，浮天十月江南水。
老夫夜坐獨自嘆，世事難測如波瀾。
君不見川原蕭瑟隆冬日，天意還當盛夏看。

小倉山房詩集卷十八

甲申

錢唐袁枚子才

小僕琴書事我有年，今年贖券去跪辭。
淚下作詩送之。

都兒洒淚別陽城，來是垂髫去長成人。
好纔能八年任春歸，那忍一朝行交還。
鎖鑰知誰託，欲掃樓臺誤喚名。總爲香山居士老，楊枝駱馬倍關情。

代琴書答

畫梁春燕去猶悲，况是奴星別主時。
洒掃應教新隸學，性情惟有舊人知。
書防起蠹勤翻頁，花爲宜瓶巧折枝。
交代兒家諸火伴，婆婆莫怪出門遲。

一作神雀三年買奴券袖中擎出淚如絲

題沈秀君抱書圖

東陽有哲人著書盈其屋不鑿楹下藏但付子孫讀其
子亦老矣抱書如抱翁一刻不相離與之偕西東酒闌
客散時讀之聲噦噦

丙辰徵士錄我最居紙尾曾與著書人召試明光裏忽
忽三十年書存人已亡倘非兒抱持雷電早取將我有
書無兒披圖淚霑裳

寄魚門舍人一百韻

良友經年別空山有客悲爲憐新歲月轉憶舊交期袁
粲通門日程生傾蓋時長淮清口驛古廟水仙祠令尹
猶青髯司空已美髭笑言何晏晏風貌頗似但態愛張

長史才憐江總持潼陽儂縮綬湖嘴爾乘驩路過頻投
宿官閒輒枉綬襟懷似膠漆交好及堽麓令弟璠璣器
賢兒虎豹姿稱觴分筮日折柳定連枝雜珮同摩弄卮
言互詆媼相看顏沃若屢忘夜何其經紀勞滕叔資糧
託趙熹海疆爲政滿琴鶴向南移來下陳蕃榻同看街
彈碑評量循吏傳傾倒落花詞卧疾煩秤藥行藏代揆
著愛人真以德好爵不教縻

予戊辰引疾舍人勸之

此際先生富

豪名萬口推丁年羅寶墨甲貨擅鹽池羶行賓朋集虹
霓鼻息吹無交猶縞紵未病已葆耆鄴架瑯嬛物淹中
稷下兒搜羅窮亥豕排列滿梁恩漸見銅山削遙聞粟
廩卑奔秦無晉盜殲遂有齊師張博空餘債相如竟少

貲豐貂都解庫素履欲騎危拔宅才終訟含英詎療飢
窮通奴僕換肥瘦弟兄離老妾捐釵珥嬌妻爨屨屢誰
知遭索莫不是累遊嬉生性原通脫爲儒好布施行仁
朝煦煦履義暮跂跂北上蘇秦轍南征子重麾嘘枯鄰
潤澤溫卷禮委蛇守藏頭須竄持錢石氏欺牢盆他手
寄鞫錄此身疲兩度鸞膠續三年帶下醫杏塲兒女累
楊楮友朋貽河決流難塞門開閉已遲代人權子母先
自罄銖錙朱慮船無底歸墟水不支八厨名太重六虱
病難治且喜貧雖極斯人總未知九流談衮衮百氏校
孜孜杵硯心成曰焚膏日下帷勤同夏侯勝勇甚狄虎
彌七穆三桓問千門萬戶疑搖唇珠貫串隸事錦參差
高可箋星象低能畫地維吟成銅鉢待賦罷曉鐘催瞿
所詢方朔罇于辨斛斯苦心神自鑿爲善福終隨風順
旃檀馥文高黼黻宜乘輿南駐蹕多士例陳詩獨上
金天頌頌頌聖主頤御屏標第一海內賀相馳覆試
端門左排班白玉墀盈庭看舉首歛步習朝儀洗盡科
名恨欣霑雨露滋髯飄長似戟冠大稱如箕薇省清嚴
地冰廳誥命司聽人呼小鳳頤刻駕文螭連歲來江左
偏予接履綦春深烟滿樹秋老菊侵籬大會夷門客高
傾河朔卮燈光奪明月花影動玻璃衆裏談尤密更深
枕尚欹四愁分解脫三樂共淋漓犬熟先銜帶僮馴慢
捧匱書探邊氏腹酒習沈家脾爲看泥金榜先傾白接

羅聞君上鰲背勝我拔蠡旗腸斷驪歌唱年俱馬齒衰
班荆情宛轉握手淚紛披已向棲霞送還從邗上追
淒同下拜恨恨兩難辭嗣後三山叟真同一足夔漆園
仙蝶化羊館老龍癡君子雖安雅何人共振奇皇皇喪
家狗霍霍失鷹師小減樓臺費長甘水竹怡巾車走吳
會蘭漿泛鴟夷女嫁新婦矣兒生且聽之時兩姬懷孕高堂
猶健在萬事等閒窺想見彈冠客公然向日葵嗚珂趨
殿陛待漏喚僮厮櫪馬初銜轡雄雞豈憚犧將無迷廣
樂孰與辨澠淄王意揮人述民情計相咨遭逢雖偶爾
公輔定從茲白下常西笑長安似奕棋鴻探信息金
玉憶鬚眉史局班彪入開纂修通鑑除書常袞為勉旃犀兕
角永見豹留皮吏隱鴻溝劃人天萬里思堪消一千字
舍子更貽誰

苦囑

苦囑司閤叟柴門莫漫開有時推不去一陣野鷗來

題永竹岩雙美讀書圖

侍兒兩個女相如管領牙簽逐蠹魚供得年華消得恨
美人顏色古人書

哭柴耕南

君家行之姪交我方垂髫因之得見君如漆初投膠君
年過三旬玉骨森清標爛爛岩下電温温席上瑤我來
才十八墜地虎子驕意氣欲摩天落筆尤嚶嚶樹無大

小倉山房
卷十八
五
根本冰有狂波濤監旗不書降逢戰必欲鏖武林老名
宿憎其年少佻飛言如雨攻赤舌將城燒君喏曰否否
此子終凌霄孤山梅花榻西泠楊柳橋爲渴置茗具爲
飢設臚饒賢兄洪都來卓犖人中豪以愛及所愛握手
如同胞我時賦西征寒冬無敝貂賢兄資我行長江爲
買舫釣臺攜手登滕閣同車遨或聯韓孟韻或賭舍人
臬高安官署中諧語窮昏朝此時燈燭光至今如隔宵
贈我赤側金才得揚征鑣桂林金中丞專章薦封敖從
此走長安奮翮登金鰲改戴惠文冠鳴騶行江臯君來
助相理除苛更解媯以我所贈資却買吳娃嬌亡何棄
之去南觀湘江湖余亦賦遂初小隱歸山椒從此隔東
西芳訊久寂寥丙子冬十月忽寄書相招代持彘彘帛
勸麾孑孑旄余方奉老母五斗難折腰奚能擁臯比遠
走楚粵郊此事竟掉磬此心猶鬱陶忽聞怛化去同人
先號咷未知返櫬無何處掩蓬蒿未知有兒否誰爲守
宗祧因之感我懷掄指自抑搔四十九年中何者常切
切蒼生君相在久已心中拋文章身後名於我浮雲飄
惟有數知己恩深淚難消傾蓋猶繼綬矧乃弱冠交問
我推解情已慚范叔袍問我死生諾又慚左伯桃來生
爲兄弟此權非我操泉路盡交期此說終虛要惟有託
豪素長歌一慟號梗概畧抒寫風雨聲刁騷

二月初八日生一女

墜地無人賀遙知瓦在床爲誰添健婦嬾去報高堂妄
想能招弟伴懽且慰娘江干好黃竹打慣女兒箱
左家詩料好伯道老懷嗟味似餐雞肋情疑中副車湔
裙製文葆醜面趁桃花嫁恐非吾事驚心兩髻華

刀

出匣一條水寒光射眼來非關報仇事生就殺人才斜
月當空冷秋蓮帶雪開他年用君處含笑請君猜

筆

上手得風雲花生處處新天交三寸管命作一朝人非
箭常穿札如仙不染塵思量與君絕終要等麒麟

寓目卽書

禾熟頭低麥熟昂冬天雨暖夏天涼蜘蛛網小如錢許
也展經綸據一方

海棠下作

神女儼成行蕭齋雨海棠吹紅風亦軟驚艷鳥先狂置
鏡傳嬌影張燈助晚粧料應香不得業已斷人腸
國色天原寵東風盡力開仙雲如海立紅雨作潮來消
受難爲福形容苦費才遙知花命婦魂尚赴瑤臺

贈楊將軍

名崑

作虎須成斑不戰難名將國家承平百餘年凌烟有閣
無人上楊公儒者今韋臯起家西蜀征南苗橫披囊瓦
三千甲斫折孤延十五刃金川凋樓與天接鳥飛不上

小倉山房 卷十八 六
猿猴絕將軍目作蒼鷹視騰身直上疾如矢一甄兩甄
鼓不止雲梯隊隊銜其尾三軍齊唱肉飛仙半夜崑崙
關奪矣當空礮石雲雷奔將軍見敵不見身偶中金創
色愈怒殺賊遙看紅一路捷書馳報甘泉宮 玉旨傳
宣賞戰功諸將喧爭公獨暇閉口無聲大樹下於今專
闢來江南雅歌投壺斜插簪平生塵極臯蘭事酒罷微
聞說二三梅花開時山月明手彈瑤琴招我聽瀟湘雲
水清商老彷彿沙場金鼓聲 風衣 柳絮 風衣 柳絮
偶成

有寄心常靜無求味最長兒童擒柳絮不得也何妨

喜懷慶太守沈省堂過訪

故人久別忽相見一笑道從天上來驚指鬢霜幾時有
喜逢紅藥當庭開二千石官車騎盛三十年事風輪催
我欲班荆學聲子泣下數行腸九迴

記否參軍作馬曹憐才學士有枚臯旁妻酒勸西賓醉
遊子床聯夜月高轉眼山陽聽玉笛至今燈影憶宮袍
與君貧賤叨恩處同欠喬公一太牢 謂春臺學士

太行山色一官收怪底新詩咏未休立馬身當河內水

黃河決堰公紀恩碑滿晉陽秋相招小住聽黃鳥幾個

同年贖白頭寄語南衙姚散騎故人爲我好勾留 公寓姚觀

察署

偶作

一編書卷送華年吟禿眉毫孟浩然春水有時流舍下
雲山難得在尊前青苔地濕連陰日白紵衣涼細雨天
自覺心中無底事且憑人喚作神仙

燈舞歌

丁丁暖漏春無風華堂地裊毳毼紅清絲流管聲漸緊
催起明月來當空仙伶一羣貌如雪霞帔風鬟紅錦袿
裙下疑生五色雲手中能把星辰活一燈初出飄紅香
玉女微笑流電光兩燈交竿相擊撞釵影珠光共升降
千燈銜尾如雲流陸渾山火勢不休黃金鳧鬚水銀海
萬斛螢飛大業秋斜穿側疊重起勢太乙青藜作遊戲
長袖風回捲落霞霓裳鶴立排成字映來酒浪臉邊紅

照出歌塵梁上細一聲清磬將終曲燭龍隊隊銜珠伏
滿堂賓客眼生花三日烟虹光繞屋主人索我燈舞詞
我方惆悵有所思當年却扇催粧日正撤金蓮歸第時
望山尚書以七十生辰作相仍督兩江奉賀四首
久遲枚卜識君恩留與先生慶七旬調鼎人來雙鳳
闕稱觴花滿一家春韋平兩世黃扉業伊呂三朝白髮
身同是祝公無量壽自天傳下語才真

紫禁城頭駐玉車青宮深處女兒家萬釘寶帶天邊賜
十部笙歌宅裏譁北面公侯爭把盞東床帝子替簪

花休誇與佛同生日轉恐光榮佛尚差

公生日四月八日

生與南邦最有緣四回江上月重圓兒童竹馬頭成雪

官舍甘棠樹拂天聽說相公還借寇喜教士女更留仙
齊聲擬向君王奏一个蒼生乞一年

三公在外學張溫詩識真如弟子言新築沙隄迎使節

剛調梅雨到江村西清趨侍身雖遠故事宰相上任仍至翰林衙門枚愧

不獲躬逢東閣常登客亦尊欣染名山一枝筆他年還紀杖

朝恩

董暢菴守硯圖

先生守硯當守錢手持片石山溪邊松風吹衫雨絕天
濯以清露飲以泉摩挲不釋相愛憐劇於十五真嬋娟
口稱南渡吾宗傳隄塵膏沃生雲烟非徒啟後兼承先
我更一言君韞然人生何物堪纏綿親如妻子良如田

東西南北難周旋惟有囊中石一拳死前不作離別緣
舟車水陸行坐眠隨身到處無相捐心所沉慮將渠研
口所不言仗彼宣我髮白矣汝獨元紫雲容貌常華鮮
守之作殉非恩偏先生大笑手拍肩能得我意君其仙
速付圖畫徵詩篇更願此身如石堅藏墨足支三十年
染盡巴東九萬箋

苔

白日不到處青春恰自來苔花如米小也學牡丹開

送省堂南歸

愁君有歸心喜君無歸日忽然君來辭歸日又已決憶
昔與君交垂髫雙白哲今日與君會頭顱鬪霜雪其中

三十年竟成一世別逝者已如斯來者更難說冉冉五
十翁茫茫東西轍一鳥不停飛一鳥永戢翼升沉既已
殊雲泥空相憶倘再如前期人生非金石

糧儲姚觀察君家中表親與僕少相狎春秋同丙申
皇帝戊午科三人充國賓君官始於晉子隱歸自秦思
廉爵最貴驄馬長安春吏隱旣以隔芳訊少通聞忽然
金陵風吹聚雲龍影南衙方開樽西山又煮茗班荆言
未終玩月燭重秉如彼三珠樹斷枝復交梗又如三分
國鼎足竟合并深情荷花知高談仙鶴領良會非偶然
誰能向天請前生香火緣母乃有公等

仕宦六百石已足稱雄豪况乃五馬驅深院蝶愈嬌公昔

寄內詩云深院
蝶嬌無語坐

從前龔黃績遠布趙魏郊於今安石也

甘雨慰良苗僕也抱區區禱祀相招要願君仕勿遠祝
君官勿高仕遠與我隔思君空鬱陶官高與民隔難以
施恩膏安得大江南看君麾旌旄我老當扶杖來聽甘
澤謠

從來故人酒不及石尤風風能留人行酒但澆顏紅君
昨寄書來暑退吾將去我乃祝西風緩到留君住果然
秋陽增行期屢改卜家家祖餞君日日同徵逐炎涼天
所司爲我猶宛轉車輪君所推如何行竟遠小住復小
住一日如千霜問我相思情江流共短長

不寐

一雨百花休三更萬籟寂觸耳不成眠風枝墮殘滴

相公見贈素心蘭開而心赤飛章求易竟蒙諾允
事須過後真才見花到論心淡亦難上相許將芳草換
空山重得瓣香看明知華屋栽培久恰稱幽人臭味寒
速抱青琴彈白雪為蘭惆悵為子權

步山下作

暑退風清步竹林荷花枝上結層陰憐他吹散閒雲影
曾抱為霖一片心

染鬚

隨園居士墨者流持鬚日向染人謀明知其白姑守黑
老聃此義吾能得初將澡豆熏繼用犀篦掠一入再入

爾雅詞為緇為元考工法染侵時笑面粧花唇黑方知
為戲虐人疑揚子註元經我道先生逃白學當時漢武
求神仙金丹未必還朱顏何如玉莽一夕變鬚髮六宮
明日迎嬋娟才看青青色旋露星星貌二毛不肯久欺
人時時將老來相告我昔留鬚已惆悵於今鬚也非前
狀碌碌空為短尾刁飄飄不作長鬚相惜把丹青用此
間不教畫向菱烟上西風拂袖秋雨涼手持明鏡愁秋
霜且將黑水西河郡賜作髡奴湯沐鄉

病中贈內

宛轉牛衣卧未成老來調攝費經營千金儘買羣花笑
一病才徵結髮情碧樹無風銀燭穩秋江有雨竹樓清

憐卿每問平安信不等雞鳴第二聲

賀雨林得侍衛

青袍公子帝城陰新得貂蟬躍羽林使相門高燈報喜
山人耳冷鳥傳音雲霞近日黃金色鷓鴣當秋碧海心
我夢尋君難識路綠楊圍住萬花深

得雨林塞外書

一封書共雁南征紙上親標塞外成想捲雕弓歸細柳
偶看故劍動深情鵬驚落筆盤風下馬感懷人繞帳鳴
知道江南君不忘趨庭身向夢中行

偶成

高枕等紅日天陰屢悞人辭賓宜小病多夢惱深春曉

色水花靜晚歸山鳥親自知叔夜懶卧佛久疲津

溪上時獨釣一絲牽藕花閒鷗相對立依水各為家落
日未歸海殘紅入斷霞蕭蕭修竹裏兩兩出啼鴉

贈李鶴峯學使

天上台星月共明人間金鑑水同清十年江海旌旗色
半壁東南雅頌聲入相屢教遲使者求賢原本為蒼生
珍珠網盡珊瑚老秋雨瀟瀟戀闕情

曾從物外散襟期往歲衡門駐馬時黃葉風涼牙纛舞
高軒人過水雲知雙飛鷓鴣池邊識九錫廬山扇上詩
只為陽春太清絕至今作答尚稽遲

乙亥秋公過隨園贈詩四章

龍眠山人歌贈孫秋澗

龍眠山人孫思邈結廬山中不知老朝朝翠岫捲簾看
處處白雲呼鶴掃春風吹山山漸青山人欲往前溪行
牧童高唱公無渡落花塞斷行人路

病起入謁相公夜歸有作

中秋一別鬢霜加舊雨新寒共絳紗高卧客原宜小病

晚香人自愛黃花

公手植菊如斗

月如潑水燈光澹風正鳴條

雁影斜少婦不知聯句苦尚疑身宿相公家

公命聯五律二首歸

四更矣

十一月十八日又生一女

真是庶人命雖風吹不清緣何長至日轉報一陰生客
厭來偏數棋輪劫屢驚呱呱雙瓦響添作惱公聲

相公和詩

屢盼徵蘭信催詩記不清花雖衝雪發子尚待春生
弄丸新兼舊聞啼喜又驚勸君莫惆悵雛鳳有先聲
喜吳秀才模周秀才發春一時同舉明經

采鳳雙飛出泮宮公然魯國兩生同我夸籍湜居門下
人數班揚在意中貢到南金江左重拔來騏驥馬羣空
明知才大科還小且喜雲梯路已通

臘月五日相公招同秦學士大士蔣編修士銓小

集西園各賦四詩

小集平泉夜舉觴春風座上不知霜偶然元老開東閣
難得羣仙盡玉堂檠戟光搖銀燭燦盆梅花落酒盃香

遙聽官鼓今宵緩道有文人話正長
平章坐次問科名掄到一良絲忽自驚白髮門墻登首席
青年詞館憶三生雲龍遇合都歸命師友淵源各有情
起看文昌星聚處一輪卿月照階明
劈錦燒蘭興未除牙籤玉軸共相於指將松竹時懷舊
對著笙歌尚論書老圃氣清霜影後宮袍紅濕酒痕餘
史官環坐同商權權把南衙當石渠
出門我獨後諸賓更與郎君話夜分旗捲待飄殘臘雪
堂深留住遠山雲通家問字燈重剪歸路衝寒酒不醺
明日江城人側耳詞林典故共傳聞

相公和詩

前宵猶記共飛觴客散歸遲滿路霜花送春光開小
院雁橫寒影過西堂每看遠岫雲難出頻讀新詩口
正香燈下不辭呵凍筆吟聲遙答漏聲長
敢夸綠墅舊園名滿座詞人鶴亦驚四野連宵飛瑞
雪一堂兩代有門生秦學士以弟子禮事予追隨館
閣當年事商畧文章此日情莫負尊前好風景金燈
光映月華明

漸漸韶光逼歲除山中老伴孰相於窗前日暖閒欹
枕竹裏燈明夜讀書見面難如千里外論交喜過卅
年餘小倉也做棲霞意聞又新添水一渠予才非請
知君日日作嘉賓刻期分題到夜分爲惜韶光憐舊

雨屢教塵市度閒雲

子才與莊魏諸君作消寒會

詩同白雪人難

和顏似紅梅酒半醺明歲江城誰雅會黃扉雖遠合

傳聞

錫壽堂公讌詩

有序

乾隆元年余與王生同太守偕升名于鴻詞科

今年入都領郡宣州亞相劉繩庵率諸徵士餞

諸錫壽堂堂為生同大父文恭公故第三十年

來同人寥落與者七人庶子錢坤一為寫七清

圖各賦數詩憶枚召試時裁三十一歲在徵

士錄中最居贖尾今又以不與會之故題詩亦

居紙尾豈有數存乎其間耶卷中闕五律一體

為續成之

王粲同徵日袁絲最少年幾番隔江海卅載過雲烟皓

首重相見滄桑說舊緣長安公餞者落落曉星懸

酒置平津閣燈明錫壽堂風前懷祖德雨後對花光人

老衣冠古園深水石蒼分箋賡白雪還似咏霓裳

有客登黃閣無人不白頭八仙才咏罷五馬復南遊庶

子丹青妙羣公翰墨留蕭疎松菊意莫忘歲寒秋

盛典恩難再交情老更敦江村餘我在海內幾人存遺

際前生事文章舊雨痕數行書紙尾兩處付兒孫

贈生同

雙旌小住子雲亭名紙初看眼倍青四海徵車人已盡

兩朝殘客話重聽霓裳同憶遊仙夢錦字分存感舊銘
君催姓詩枚送一笑入門先拍手道儂也會鬢星星

江南烟景一帆收洗盡風沙宦海愁循吏傳名多太守

詩人領郡慣宣州雲間家近無鄉思郭外山清足勝遊

同是大賢門下客幾時立雪共聞鷗公丁未進士出望山公門

俞楚江瀟湘看月圖

沙渚一聲雁瀟湘秋滿天幽人方獨往空水共澄鮮明

月乍離海輕雲欲化烟魚龍聽竹笛知是小游仙

八月六日宴秋試者顧星橋等三十二人張燈樹

王東上適學使梁瑤峯少宰亦來與會

八月龍魚赴上游玉山高會草堂秋九天星斗三更落

四海才人一座收戲把青藜燃太乙相期赤手占龍頭

是誰來作諸生兆梁灝花間擁八騶

臘月五日相公再招觀劇命疊前韻

西園一月兩飛觴細雨初飄冷似霜游夏多年雖侍側

絃歌今夕始升堂枚受業三十來遲竊喜賓朋少美好

頻添齒頰香莫訝黃昏蓮幕捲一聲檀板韻方長

烟花南部舊知名見慣司空鳥不驚到眼悲懽憐往事

登場傀儡感浮生豪吟每怪公無倦微笑終知佛有情

報道周郎能顧曲金燈須傍舞筵明青原短視故戲之

風景蕭蕭歲欲除師生難得共相於閒來置酒先招隱

老去聽歌當讀書玉笛聲涼殘臘後梅花香撲捲簾餘

席間頗憶倪高士教把新詩索向渠

公命潛山倪令亦和此韻

野人連日作嘉賓東閣憐才到十分酒罷人驚窗外雪
山空鶴盼夜歸雲每依絳帳心難別但坐春風客自醺
不負彭宣生白髮後堂絲竹此番聞

